

per persunas d'instrucziun, mainasculas e cussagls da scoula

Nr. 4 2023/24

Part generala

Register dals mezs d'instrucziun 2024/25

Il register dals mezs d'instrucziun vain approvà e publichà minch'on da la regenza. El cuntegna ils mezs d'instrucziun obligatorics e racumandats per las scoulas popularas grischunas.

[Register mezs d'instrucziun Grischun 2024/25](#)



Plattafuorma cun materials rumantschs

Las conferenzas regiunalas rumantschas han creà cun "furmaziun.ch" üna plattafuorma chi metta a disposiziun in ün lö central materials in rumantsch. Sül plaftafuorma as chatta impustüt materialias per la fuormaziun supplementara linguistica, üna survista da las pussibilitats pel stüdi da las linguistics rumantschas sco eir materialias didacticas per l'instrucziun. Cul böt da mantgnair e promover la lingua vain la plattafuorma "furmaziun.ch" sustgnüda finanzialmaing da l'USS/AVS.

[Plattafuorma per cuntgnüts da fuormaziun rum.](#)



Gruppa accumpagnanta 'Talian' primara

La gruppa accumpagnanta per 'Talian' in scoula primara ha l'incumbenza da perseguitar l'instrucziun da 'Talian' sün quel s-chalin. Ella formulescha böts intermediars cun indicaziuns concretas davart la materia, e quai per singulas etappas d'ürant l'on da scoula.

La verificaziun la plü actuala es gnüda publichada pels 31 schner 2024.

[Verificaziun 'Talian' scoula primara](#)



Novitats dal program IPPI

L'introducziun illa professiun per persunas d'instrucziun (IPPI) es ün program da success.

Pro l'entrada illa professiun vegnan sustgnüdas tuot las persunas d'instrucziun i'l chantun GR cun sportas da la scoula sül lö, dal servezzan psicologic da scoula, da l'inspectorat da scoula e da la Scoul'ota da pedagogia. Las sportas as drizzan a principiantas e principiants i'l prüm on da servezzan, a persunas chi tuornan illa professiun davu ün'absenza d'almain tschinch ons ed a persunas d'instrucziun sainza scolaziun correspondentia pel s-chalin d'ürant il prüm on da servezzan. L'inspectorat da scoula coordinescha e maina quist proget. D'ürant l'on da scoula actual profitan passa 150 magistras e magisters da la sporta dal proget IPPI. 150 menturas e menturs accumpognan a las principiantas ed als principiants per superar las sfidas professiunalas e personalas dal minchadi da scoula. Ün cordial ingrazchamaint per quist ingaschamaint.

In avrigl 2024 ha lö üna consultaziun online cullas persunas d'instrucziun IPPI, cullas menturas e culs menturs. Els survegnan l'invid per as participar a la consultaziun per e-mail. Grazcha fich per vossa partecipaziun.

[Ulteriusas infuormaziuns](#)



Digital ed autonom per via

La protecziun da datas es importanta in minch'età. Il mez d'instrucziun gratuit davart la protecziun da datas 'Selbstbestimmt digital unterwegs' fabrica sù las cugnuschen-tschas da basa necessarias a partir da l'età da scoulina.

Intant chi's tratta i'l ciclus 1 d'incleger la sfera privata e d'identificar datas personalas, sta i'l center i'ls ciclus 2 e 3 da savair dovrar plattafuormas ed instrumaints digitals.

Il mez d'instrucziun es concepì uschè ch'el po gnir dovrà da

persunas d'instrucziun in differents settings, independenta maing da la grondezza da las classas e dal nivel da las scolaras e dals scolars. Bleras materialias pon gnir dovradas digitalmaing o eir gnir stampadas. Ellas pussibilteschjan eir d'approfundir individualmaing temas.

[Mez gratuit 'Selbstbestimmt digital unterwegs'](#)



Scha verer nu s'inclegia be da sai

Il museum regiunal a Tavo spordscha i'l rom dals dis d'acziun nazionalas per umans impedits dals 27 fin 31 mai 2024 guidas pels s-chalins d'immez e pels s-chalins ot. Quellas guidas sustegnan lur integraziun i'l sector da la cultura. Scha las scolaras ed ils scolars fan üna visita in quist museum regiunal fan els l'esperienza cha 'verer bain' nu s'inclegia be da sai.

Cun ögliers da simulaziun da differents impedimaints visuals exploreschan els co cha spazis pon gnir percepits cun oters sens. Helene Zimmermann e Josef Camenzind, sves persunas cun impedimaints, dan invista i'l minchadi da persunas orbas.

Annunzcha fin ils 27 avrigl 2024 a: elmer-wolf@bluewin.ch

[Ulteriuras infuormaziuns](#)



Ura dals utschels d'üert

Ils utschels toccan pro las bes-chas chi's po scuvrir da maniera simpla. In occasiun da l'"Ura dals utschels d'üert" da BirdLife Svizra sun invidadas tuot las classas da scoula d'observer e da dombrar ils utschels intuorn chasa da scoula. I's po guadagnar ün'excursiun gratuita in ün center da natüra. Quist on ha lö l' 'Ura dals utschels d'üert' dals 8 fin 12 mai 2024. Sülle pagina d'internet stan a disposiziun divers mezs d'instrucziun e materialias davart il tema utschels. Adattada per las scoulas es eir la plattafuorma d'imprender online.

[Mezs e plattafuorma d'imprender BirdLife Svizra](#)



Occurrenzas per persunas d'instrucziun davart tscherna da mansters

Nouv spordscha la cussagliaziun professiunala occurrenzas per persunas d'instrucziun davart il rom 'Orientaziun professiunala'. Ün böt es cha persunas d'instrucziun survegnan infuormaziuns davart il tema tscherna da mansters. Las persunas adressadas sun magistras e magisters chi instruischan d'ürant il prossem on da scoula il rom 'Orientaziun professiunala'. L'occurrenza es gratuita. Sün giavüsch vain confermada la partecipaziun per ch'ella possa gnir recugnuschüda sco fuormaziun supplementara.

Sco pilot vain sporta la prüm'occurrenza a Cuaira:

Marcurdi, ils 22 mai 2024, 14.00 – 17.00, Grabenstrasse 1, Chur (scha la 'Churer Maiensässfahrt' ha lö vain l'occurrenza spostada sün marcurdi, ils 5 gün 2024).

Davo la realisaziun vegnan examinadas ulteriuras occurrenzazas.

[Infuormaziuns ed annunzcha](#)



IdeenSets da la SAP Berna

Persunas d'instrucziun chi douvran material adattà per la preparaziun da l'instrucziun chattan bun sustegn culs IdeenSets da la SAP Berna. Ils IdeenSets stan a libra disposiziun per tuot ils roms e per tuot ils ciclus (ciclus 1 fin sec. II). Els as referischan ad ün tema d'instrucziun tschernü ed al plan d'instrucziun actual. Mincha IdeenSet cumpiglia ün commentar didactic cun tschegns per l'adöver ill'instrucziun. Persunas d'instrucziun e persunas specialisadas sviluppjan e su-relavuran ils IdeenSets regularmaing.

[Ulteriuras infuormaziuns e tscherna dals IdeenSets](#)



Cordials salüds

*Chantal Marti-Müller
Manadra USS*

*Philipp Hugentobler
Manader inspectorat da scoula*

Part regiunala

Termins

Data	Occurrenza	Adressats
15-04-2024	Assegnaziun definitiva	6. cl./1.R
28/29-05-2024	Examen da recuors	6. cl./1.R
06-06-2024	Occurrenza d'infuormaziun regiunala a Samedan	CS
10-06-2024	Occurrenza d'infuormaziun regiunala a Zernez	CS

[Ulteriurs termins](#)



Cordials salüds

*Inspectorat districtual Engiadina-Val Müstair-Samignun
Bettina Salutt, Urs Kühne, Curdin Linsel*

